

Мұнайгаз секторының кейбір мәселелері

Қазақстан Республикасы Үкіметінің қаулысы 2000 жылғы 22 қаңтар N 113

Қазақстан Республикасының Үкіметі қаулы етеді:

1. Қазақстан Республикасының Энергетика, индустрия және сауда министрлігі Қазақстан Республикасы Қаржы министрлігінің Мемлекеттік мүлік және жекешелендіру комитетімен бірлесіп заңдарда белгіленген тәртіппен:

1) "Қазақойл" ұлттық мұнайгаз компаниясы" жабық акционерлік қоғамы" мүлкінің (активтерінің) құрамынан "Мұнай Импекс" ЭИФ" жауапкершілігі шектеулі серіктестігінің жарғылық капиталының 99 пайызы мөлшеріндегі "Мұнай Импекс" ЭИФ" жауапкершілігі шектеулі серіктестігінің үлесін бөліп шығаруды;

2)

3)

4) осы қаулыдан туындайтын өзге де шаралардың қабылдануын қамтамасыз етсін.

ЕСКЕРТУ. 1-тармақтың 2),3)-тармақшалары алып тасталды - ҚР Үкіметінің 2001.05.02. N 591 қаулысымен. P010591_

2. Қазақстан Республикасының Қаржы министрлігі заңдарда белгіленген тәртіппен:

1) "Маңғыстаумұнайгаз" және "Өзенмұнайгаз" акционерлік қоғамдарымен Қазақстан Республикасының Үкіметі мен Оман Сұлтанаты Үкіметінің арасында 1992 жылғы 18 қаңтарда қол қойылған Кредиттік келісім (бұдан әрі - Кредиттік келісім) бойынша кредиторлық берешекті осы қоғамдардың өтеуін, сондай-ақ көрсетілген қоғамдардың Кредиттік келісім бойынша Оман Сұлтанаты Үкіметінің алдындағы жалпы кредиторлық берешектегі үлестерін белгілеуді көздейтін шарттар жасассын;

2) Қазақстан Республикасының Энергетика, индустрия және сауда министрлігімен және "Маңғыстаумұнайгаз" және "Өзенмұнайгаз" акционерлік қоғамдарымен бірлесіп екі ай мерзімде банк пайыздарын ескере отырып қалған кредиторлық берешекті өтеудің кестесін әзірлесін және бекітсін және осының негізінде Оман Сұлтанаты Үкіметімен Кредиторлық келісімге тиісті түзетуге қол қою үшін барлық қажетті шараларды қабылдасын;

3) Қазақстан Республикасының Энергетика, индустрия және сауда министрлігімен бірлесіп төртінші тоқсанның қорытындылары бойынша осы қаулының атқарылу барысы туралы Қазақстан Республикасының Үкіметіне толық ақпарат тапсырсын.

3. Қазақстан Республикасының кейбір шешімдеріне мынадай өзгерістер енгізілсін:

1) "Қазақойл" ұлттық мұнайгаз компаниясы" акционерлік қоғамы туралы" Қазақстан Республикасы Үкіметінің 1997 жылғы 24 наурыздағы N 410 P970410_ қаулысында:

көрсетілген қаулыға 1-қосымшадағы:

"Мұнай-Импекс ЭИФ" ЖШС" 100" деген жол алынып тасталсын;

2) "Республикалық меншікте тұрған ұйымдарда акциялардың мемлекеттік

пакеттері мен мемлекеттік үлестерді иелену және пайдалану жөніндегі құқықтарды беру туралы" Қазақстан Республикасы Үкіметінің 1999 жылғы 27 мамырдағы N 659

P990659_

қаулысында;

көрсетілген қаулыға қосымшада, "Қазақстан Республикасының Энергетика, индустрия және сауда министрлігі" тарауында:

реттік нөмірі 42-жол алынып тасталсын.

4. Осы қаулының атқарылуын бақылау Қазақстан Республикасы Премьер-Министрінің орынбасары Д.К. Ахметовке жүктелсін.

5. Осы қаулы қол қойылған күнінен бастан күшіне енеді.

Қазақстан Республикасының

Премьер-Министрі

Оқығандар:

Қобдалиева Н.М.

Орынбекова Д.К.